



通德堂經解

通書考

毛詩譜

甘泉黃奭學

序

詩之興也諒不於上皇之世大庭軒轅逮於
高辛其時有七載籍亦茂云焉虞書曰詩言
志歌永言聲依永律和聲然則詩之道放於
此乎有夏承之篇章泯弃靡有子遺邇及商
王不風不雅何者論功頌德所以將順其美
刺過譏失所以匡救其惡各於其黨則為法

者彰顯爲戒者著明周自后稷播種百穀黎
民阻饑茲時乃粒自傳於此明也陶唐之末
中葉疑作夏公劉亦世修其業以明民共財
至於大王王季克堪顧天文武之德光熙前
緒以集大命於厥身遂有天下父母使民有
政有居其時詩風有周南召南雅有鹿鳴文
王之屬及成王周公致大平制禮作樂而有
頌聲興焉盛之至也本之由此風雅而來故
皆錄之謂之詩之正經後王稍更陵遲懿王

始受譖亨齊哀公夷身失禮之後邴不尊賢
自是而下厲也幽也政教尤衰周室大壞十
月之交民勞板蕩勃爾皆作衆國紛然刺怨
相尋五霸之末上無天子下無方伯善者誰
賞惡者誰罰紀綱絕矣故孔子錄懿王夷王
時詩訖於陳靈公淫亂之事謂之變風變雅
以爲勤民恤功昭事上帝則受頌聲弘福如
彼若違而弗用則被劫殺大禍如此吉凶之
所由憂娛之萌漸昭昭在斯足作後王之鑒

於是止矣夷厲已上歲數不明大史年表自
共和始歷宣幽平王而得春秋次第以立斯
譜欲知源流清濁之所處則循其上下而省
之欲知風化芳臭氣澤之所及則傍行而觀
之此詩之大綱也舉一綱而萬目張解一卷
而衆篇明於力則鮮於思則寡其諸君子亦
有樂於是與

周南召南

周召者禹貢雍州岐山之陽地名今屬右扶

風美陽縣地形險阻而原田肥美周之先公
曰大王者辟狄難自幽始遷焉而修德建王
業商王帝乙之初命其子王季爲西伯至紂
又命文王典治南國江漢汝旁之諸侯於時
三分天下有其二以服事殷故雍梁荆豫徐
揚之人咸被其德周禮職方氏疏引雍梁已下十二字人作民德作化
而從之文王受命作邑於豐乃分岐邦周召
之地爲周公旦召公奭之采地施先公之教
於已所職之國武王伐紂定天下巡守述職

陳誦諸國之詩以觀民風俗

初學記禮部土巡守引武王已

下無誦字民下有之字俗作也字

六州者得二公之德教尤

純故獨錄之屬之大師分而國之其得聖人之化者謂之周南得賢人之化者謂之召南言二公之德教自岐而行於南國也乃弃其餘謂此爲風之正經初古公亶父聿來胥宇爰及姜女其後大任思媚周姜大妣嗣徽音歷世有賢妃之助以致其治文王刑于寡妻至于兄弟以御于家邦是故二國之詩以后

妃夫人之德爲首終以麟趾騶虞言后妃夫人有斯德興助其君子皆可以成功至於獲嘉瑞風之始所以風化天下而正夫婦焉故周公作樂用之鄉人焉用之邦國焉或謂之房中之樂者后妃夫人侍御於其君子女史歌之以節義序故耳射禮天子以騶虞諸侯以狸首大夫以采蘋士以采芣爲節今無狸首周衰諸侯竝僭而去之孔子錄詩不得也爲禮樂之記者從後存之遂不得其次序周

公封魯死諡曰文公召公封燕死諡曰康公
元子世之其次子亦世守采地在王官春秋
時周公召公是也問者曰周南召南之詩爲
風之正經則然矣自此之後南國諸侯政之
興衰何以無變風答曰陳諸國之詩者將以
知其缺失省方設教爲黜陟時徐及吳楚僭
號稱王不承天子之風今弃其詩夷狄之也
其餘江黃六蓼之屬旣驅陷於彼俗又亦小
國猶邾滕紀莒之等夷其詩蔑而不得列於

此

邶鄘衛

邶鄘衛者商紂畿內方千里之地其封域在

禹貢冀州大行之東

詩邶柏舟釋文引邶鄘
衛者殷紂畿內地名屬

古冀州
十四字

北踰衡漳東及兗州桑土之野周武

王伐紂以其京師封紂子武庚爲殷後庶殷

頑民被紂化日久未可以建諸侯乃三分其

地置三監使管叔蔡叔霍叔尹而教之自紂

城而北謂之邶南謂之鄘東謂之衛

邶釋文
引此三

句謂之武王既喪管叔及其羣弟見周公將
並作曰攝政乃流言於國曰公將不利於孺子周公

避之居東都詩文王序正義引周
公避居東都六字二年秋大

孰未獲有雷電疾風之異及後成王悅而迎

之反而遂居攝三監導武庚叛成王既黜殷

命殺武庚復伐三監更於此三國建諸侯以

殷餘民封康叔於衛使為之長後世子孫稍

并彼二國混而名之左傳襄二十九年正義
引武王伐紂已下至此

管叔上無使字使字在霍叔下教之上上有監
字無既喪至反而遂五十九字作崩後五年

周公六字稍下有疆兼七世至頃侯當周夷
二字混下有其地二字

王時衛國政衰變風始作故作者各有所傷

從其國本而異之為邶鄘衛之詩焉左傳襄
二十九年

年正義引作者已下國本本國而異之作
分而異之為上有故字正義曰衛世家云康

叔卒子康伯立卒子靖伯立卒子貞伯立卒子頃
子建伯立卒子釐侯立四十二年卒子共伯餘立

侯立卒子釐侯立四十二年卒子共伯餘立
共伯弟和攻共伯共伯自殺衛人立和是為

武公五十年卒子莊公楊立二十三年卒大
子完立是為桓公十六年州吁殺桓公而自

立九月殺州吁于濮迎桓公子晉於邢而立
之是為宣公十九年卒太子朔立是為惠公

四年奔齊立公子黔牟立八年惠公復入王
十三年卒子懿公赤立九年為狄所滅立昭

伯頭之子申為戴公元年卒立弟燬是為文
公此其君次也鄭數君世諸國不同齊陳并
數有詩之君此及曹不數頃公共公及魯則
并數此時皆隨便而言不為例也邶柏舟云頃
公之時頃公詩也緣衣云莊姜傷已妾土僭
當莊公時則莊公詩也燕燕云莊姜送歸妾
妾非夫人所當出也終風擊鼓序皆云州
送之是州呼詩也日月終風擊鼓序皆云州
呼凱風從上明之皆州呼詩也雄雉匏有苦
葉序言宣公舉其始新臺二子乘舟言宣
公詳其終則谷風式微鹿邱簡兮泉木北門
北風靜女在其間皆宣公詩也鄘相舟云共
伯蚤死其妻守義明武公時作武公詩也
有茨公子頑通於君母君母惠公母則惠公
詩也鶉之奔奔云宣姜亦惠公母則惠公
老桑中在其間亦惠公詩也定之方中蠨蝥
相鼠干旄序皆云文公文公詩可知載馳序
云懿公為狄所滅露於漕邑則戴公詩也在

文公下者後人不能盡得其次爛於下耳衛
淇奧云美武公武公詩矣考槃碩人序皆云
莊公莊公詩也氓云宣公之時竹竿從上言
之宣公詩也芄蘭刺惠公惠公詩也河廣云
宋襄公母歸於衛母雖父所出而文繫襄公
明襄公即位乃作襄公以魯僖十年即位二
十一年卒終始當衛文公文公詩矣伯兮云
為王前驅有狐序云男女失時在河廣木瓜
閒似文公詩但文惠無從王征伐事蔡衛陳
從王伐鄭當宣公時則伯兮宣公詩也伯兮
既宣公詩則有狐男女失時之歌亦宣公詩
也與伯兮俱爛於此本在芄蘭之上序者於
氓舉國公以明下故不復言宣公耳推此則
換爛在作序後故舉上明下若本第於此則
伯兮宜言諡不宜越芄蘭河廣而蒙氓序也
木瓜云齊桓公救而封之則文公詩也鄭於
左方中皆以此知之然鄭於其君之下云某
篇某作者準其時之事而言其作未必即此

君之世作也擊鼓序正義云譜依世家以桓公為平王三十七年即位

檜檜者古高辛氏火正祝融之墟檜國在禹貢

豫州外方之北陳譜正義引此滎波之南居

漆洧之間鄭譜正義引此五祝融氏名黎其

後八姓唯妘姓檜者處其地焉周夷王厲王

之時檜公不務政事而好絜衣服大夫去之

於是檜之變風始作其國北鄰於虢正義曰檜無世

家詩止四篇事頗相類或在一君

時作故鄭於左方中不復分之

鄭宣王封母弟友於宗周畿內咸林之地是

為鄭桓公今京兆鄭縣是其都也鄭釋文引宗周圻內

咸林之地今京兆鄭縣是其都也十七字又云為幽王大司徒井山

鼎七經孟子考文作甚得周眾與東土之人

問於史伯曰王室多故余懼及焉其何所可

以逃死史伯曰其濟洛河潁之間乎是其子

男之國號鄆為大號叔恃勢鄆仲恃險皆有

驕侈怠慢之心加之以貪冒君若以周難之

三言詩
毛詩譜
八

故寄帑與賄不敢不許是驕而貪必將背君
君以成周之衆奉辭罰罪無不克矣若克三
邑鄆蔽補丹依疇歷華君之士也修典刑以
守之惟是可以少固桓公從之言然之嚴氏詩
無此三字王謨漢魏遺書後三年幽王爲犬
鈔作桓公然其言從之
我所殺桓公死之其子武公與晉文侯定平
王於東都王城卒取史伯所云十邑之地右
洛左濟前華後河食溱洧焉今河南新鄭是
也武公又作卿士國人宜之鄭之變風又作

正義曰案左傳及鄭世家武公生莊公莊公
生太子忽是爲昭公又生公子突是爲厲公
又生公子亶公子儀春秋桓十一年夏五月
莊公卒昭公立其年九月奔衛厲公立桓十
五年夏奔蔡六月昭公入桓十七年高渠彌
弑昭公立子亶十八年齊人殺子亶鄭人立
子儀莊十四年傅瑕殺子儀納厲公厲公前
立四年出奔至此復入莊二十一年卒前後
在位凡十一年卒子文公躒立四十五年卒
此其君世之次也緇衣序云美武公則武公
詩也將仲子叔于田大叔于田序皆云刺莊
公而清人下有羔裘遵大路女曰雞鳴遵大
路序云莊公失道則此三篇通上將仲子等
六篇皆莊公詩也有女同車山有扶蘇羣兮
狡童及揚之水皆云刺忽則襄裳丰東門之
蟬風雨子衿在其間皆爲昭公詩也有女同
車序云至於見逐則爲被逐而作是忽前立
時事山有扶蘇羣兮狡童刺忽所美非賢權

臣擅命忽前立時月淺則此三篇後立時事也
也襄裳是突前篡之初國人欲以鄰國正之
宜是突初年事東門之墀風雨子衿直云
刺亂世或當突篡時或當忽入後其時難知
要是忽為其主雖當突前篡之時亦宜繫忽
故序於揚之水又言忽以明之經云終鮮兄
弟則兄弟已爭是後立之事出其東門序云
公子五爭野有蔓草序云民窮於兵革漆洧
序云兵革不息皆三公子既爭之後事也公
子五爭突最在後得之則此三篇厲公詩也
清人刺文公文公詩也鄭
於左方中皆以此而知
齊
齊者古少皞之世爽鳩氏之墟周武王伐紂
封大師呂望於齊是謂齊大公地方百里都

營邱周公致大平敷定九畿復夏禹之舊制

成王用周公之法制廣大邦國之境而齊受

上公之地更方五百里其封域東至於海西

至於河南至於穆陵北至於無棣在禹貢青

州岱山之陰濰淄之野其子丁公嗣位於王

官後五世哀公政衰荒淫怠慢紀侯譖之於

周懿王使享焉齊之變風始作正義曰齊世

子丁公立卒子乙公得立卒子癸公慈母立

卒子哀公不辰立紀侯譖之周享哀公而立

其弟靜是為胡公夷王時哀公同母少弟山

殺胡公而自立是為獻公卒子武公壽立卒

子厲公無忌立卒子文公赤立卒子成公說
立卒子莊公購立卒子釐公祿父立卒子諸
兒立此其君世之次也雞鳴還序皆云刺哀
公則哀公詩也著東方之日東方未明三篇
皆云刺而不舉諡則舉上明下亦哀公詩矣
南山甫田盧合載驅皆云刺襄公則襄公詩
也做荀刺文姜倚嗟刺魯莊公皆由襄公淫
妹而作亦襄公詩也鄭於左方中皆以此而
知自哀公至於襄公其間有八世皆無詩

魏者虞舜夏禹所都之地在禹貢冀州雷首

之北析城之西周以封同姓焉文選魏都賦張注引魏已

下至此者作地其下有畢昴之分其封城南

野五字夏作及同姓下無焉字

枕河曲北涉汾水魏釋文引云周以封同姓其地虞舜夏禹所都之城

也在古冀州雷首之北析城之西南枕河曲北涉汾水昔舜耕於歷山

陶於河濱禹菲飲食而致孝乎鬼神惡衣服

而致美乎黻冕卑宮室而盡力乎溝洫此一

帝一王儉約之化於時猶存及今魏君嗇且

褊急不務廣修德於民教以義方其與秦晉

鄰國國似當在與上日見侵削國人憂之或曰其當為且且與

秦晉鄰絕讀之國屬下讀當周平桓之世魏之變風始作

至春秋魯閔公元年晉獻公竟滅之以其地

賜大夫畢萬文選魏都賦張注引其後晉獻公滅魏以封大夫畢萬十三字

自爾而後晉有魏氏正義曰鄭於左方中云葛屨至十畝之間為一

君伐檀碩鼠為一君

唐唐者帝堯舊都之

初學記地今日太原晉陽

是堯始居此初學記無之字

後乃遷河東平陽

初學記作後成王封母弟叔虞於堯之故墟

初學記平陽

道引止此

曰唐侯南有晉水至子嬰改為晉

侯其封域在禹貢冀州太行恆山之西太原

大岳之野至曾孫成侯南徙居曲沃近平陽

焉昔堯之末洪水九年下民其咨萬國不粒

文選張景陽雜詩注引堯之末

洪水九年萬國不粒十一字

於時殺禮以

救艱厄其流乃被於今當周公召公共和之

時成侯曾孫僖侯甚嗇愛物儉不中禮國人

閔之唐之變風始作其孫穆侯又徙於絳云

水經澮水注引此句作晉穆侯遷都於絳

正義曰案晉世家唐叔生晉侯燮燮生武侯寧族族生成侯服人成侯生厲侯福福生靖侯宜曰曰生僖侯司徒僖侯生獻侯籍籍生穆侯費王卒弟殤叔立四年為穆侯大子仇所殺仇立是為文侯三十五年卒昭侯立元

所殺子孝侯立十五年為曲沃莊伯所殺子
鄂侯卻立六年當魯隱五年卒子哀侯光立
九年為曲沃武公所虜子小子侯立四年武
公誘殺之哀侯弟緡立為晉侯二十八年曲
沃武公伐晉侯緡滅之周僖王命武公為晉
君武公已即位三十七年矣又二年卒子獻
公詭諸立二十六年卒此其君次也其詩蟋
蟀刺僖公僖公詩也山有樞揚之水椒聊鳴
羽序言昭公昭公詩也網繆杖杜羔裘在其
間從可知也無衣有杖之杜皆刺武公武公
詩也葛生采芾刺獻公獻公詩也鄭於左方
中皆以
此而知

秦

秦者隴西谷名於禹貢近雍州鳥鼠之山堯

時有伯翳者實臯陶之子佐禹治水水土既
平舜命作虞官掌上下草木鳥獸賜姓曰嬴
歷夏商興衰亦世有人焉周孝王為伯翳能知禽
非子養馬於汧渭之間孝王為伯翳能知禽
獸之言子孫不絕故封非子為附庸邑之於
秦谷至曾孫秦仲宣王又命作大夫始有車
馬禮樂侍御之好國人美之秦之變風始作
秦仲之孫襄公平王之初與兵討西戎以救
周平王東遷王城乃以岐豐之地賜之始列

為諸侯遂橫有周西都宗周畿內八百里之

地王城譜正義引橫有西周其封域東至池

山在荆岐終南惇物之野至立孫德公又徙

於雍云正義曰秦本紀云顓頊孫曰女修生

人一曰太廉一曰若木其立孫曰費昌太廉

其立孫曰孟戲中行中衍之後世有功為諸侯

生惡來惡來有子曰女妨生旁皐旁皐生大

几大几生大維大維生非子孝王邑之秦號

曰秦嬴生秦侯立十年卒公伯立三年卒秦

仲立生莊公莊公生襄公襄公生文公文公

生靖公靖公生寧公寧公生武公武公卒立

其弟德公二年子宣公立十二年卒弟成公

立四年卒弟穆公任好立三十九年卒子營

立是為康公此其君次也其詩車鄰美秦仲

秦仲詩也駟鐵小戎兼葭終南序皆云襄公

襄公詩也黃鳥刺穆公穆公詩也晨風渭陽

權輿序皆云康公康公詩也無衣在其中明

亦康公詩矣故鄭於左

方中皆以此而知也

陳者大皞虞戲氏之墟帝舜之胄有虞闕父

者為周武王陶正武王賴其利器用與其神

明之後封其子媯滿於陳都於宛邱之側是

曰陳胡公以備三恪妻以元女太姬其封域

在禹貢豫州之東其地廣平無名山大澤西

望外方東不及明猪大姬無子好巫覡禱祈
鬼神歌舞之樂民俗化而爲之五世至幽公
當厲王時政衰大夫淫荒所爲無度國人傷
而刺之陳之變風作矣正義曰世家云胡公
卒子申公犀侯立卒
弟相公臯羊立卒申公子突立是爲孝公卒
子慎公圍戌立卒子幽公寧立卒子僖公孝
立卒子武公靈立卒子夷公說立卒弟平公
立卒子文公圍立卒長子桓公鮑立三十
八年卒弟佗其母蔡女故蔡人爲佗殺五父
及桓公太子免而立佗是爲厲公娶蔡女數
如蔡淫七年太子免之弟躍是爲利公五月卒
蔡人誘殺厲公而立躍是爲利公五月卒
立中弟林是爲莊公七年卒立少弟杵曰是
爲宣公四十五年卒子款立是爲穆公十六

年卒子共公朔立十八年卒子靈公平國立
此世家所言君次也其詩宛邱東門之枌序
云幽公爲幽公詩矣衡門云誘僖公東門之
池東門之楊從上明之亦僖公詩也墓門刺
陳佗陳佗詩也防有鵲巢云宣公月出亦從
上明之亦宣公詩也株林澤陂序云靈公靈
公詩也鄭於左方
中皆以此而知

曹

曹者禹貢兖州陶邱之北地名周武王既定
天下封弟叔振鐸於曹今日濟陰定陶是也
其封域在雷夏蒍澤之野昔堯嘗遊成陽死
而葬焉舜漁於雷澤民俗始化其遺風重厚

多君子務稼穡薄衣食以致畜積夾於魯衛
之間又寡於患難末時富而無教乃更驕侈
十一世當周惠王時政衰昭公好奢而任小
人曹之變風始作曹釋文引昭公已下十四
字正義曰曹世家云叔
振鐸卒子太子伯脾立卒子仲君平立卒子官
伯侯立卒子孝伯雲立卒子夷伯喜立卒弟
幽伯強立九年弟蘇殺幽伯代立是為戴伯
三十年卒子惠伯兕立三十六年卒子碩甫
立弟武攻之代立是為繆公三年卒子桓公
終生立五十五年卒子莊公射姑立三十一
年卒子夷公釐立九年卒子昭公班立九年
卒子共公襄立此其君次也其詩蟋蟀序云
昭公昭公詩也候人下泉序云其公鳴鳩在
其間亦共公詩也鄭於左方中皆以此而知

幽者后稷之曾孫曰公劉者自郃而出所徙

戎狄之地名也也本錯今屬右扶風枸邑公

劉以夏后大康時失其官守竄於此地此十
六字

又見公猶修后稷之業勤恤愛民民咸歸之

而國成焉其封域在禹貢雍州岐山之北劉公

正義引幽在岐
山之北六字原隰之野至商之末世大王

又避戎狄之難而入處於岐陽民又歸之公

劉之出大王之入雖有其異由有事難之故

皆能守后稷之教不失其德成王之時周公
 避流言之難出居東都二年思公劉大王居
 幽之職憂念民事至苦之功以比序已志後
 成王迎而本論之據正義改反之攝政致大平其出
 入也一德不回純似於公劉大王之所為大
 師大述其志主意於幽公之事故別其詩以
 為幽國變風焉本論今幽王夫風詩已公
 王城王城者周東都王城畿內方六百里之地其

封域在禹貢豫州大華外方之間北得河陽

漸冀州之南始武王作邑於鎬京謂之宗周

是為西都周公攝政五年成王在豐欲宅洛

邑使召公先相宅既成謂之王城後漢郡國志河南注

引周公已下至此無在豐欲三字是為東都今河南是也召

公既相宅周公往營成周今洛陽是也成王

居洛邑遷殷頑民於成周復還歸處西都至

於夷厲政教尤衰十一世幽王嬖褒姒生伯

服廢申后太子宜咎奔申申侯與犬戎攻宗

周殺幽王於戲晉文侯鄭武公迎宜咎于申而立之是為平王以亂故徙居東都王城於是王室之尊與諸侯無異其詩不能復雅故貶之謂之王國之變風正義曰周本紀云平王即位五十二年崩太子泄父早死立其子林是為桓王二十二年崩子莊王他立十五年崩維此三王有詩耳黍離序云閔周室之顛覆言鎬京毀滅則平王詩也君子于役及揚之水葛藟皆云平王平王詩矣君子陽陽中谷有蓷居其中從可知免爰序云桓王則本在葛藟之下失其次耳舉上明下采葛大車可知矣邱中有麻序云莊王不明莊王詩矣鄭於左方申以此而知葛藟釋文云

案詩譜是平王詩

大雅八之四

小雅大雅

小雅大雅者周室居西都豐鎬之時詩也始祖后稷由神氣而生有播種之功於民公劉至于大王王季歷及千載越異代而列世載其功業為天下所歸文王受命武王遂定天下盛德之隆大雅之初起自文王至于文王有聲據盛隆而推原天命上述祖考之美小雅自鹿鳴至於魚麗先其文所以治內後其武所以治外此二雅逆順之次要於極賢聖

之情著天道之助如此而已矣夫雅生民下
及卷阿小雅南有嘉魚下及菁菁者莪周公
成王之時詩也傳曰文王基之武王鑿之周
公內之謂其道同終始相成比而合之故大
雅十其篇小雅十六篇爲正經其用於樂國
君以小雅天子以大雅然而饗賓或上取燕
或下就何者天子饗元侯歌肆夏合文王諸
侯歌文王合鹿鳴諸侯於鄰國之君與天子
於諸侯同天子諸侯燕羣臣及聘問之賓皆

歌鹿鳴合鄉樂

左傳襄四年正義引天子饗元侯已下至此諸侯歌文王

上有餘字羣臣上有其字儀禮鄉飲酒疏引天子諸侯已下十九字闕唯正義引天子諸侯燕其羣臣皆歌鹿鳴合鄉樂十五字此其著略大校見在書

籍禮樂崩壞不可得詳大雅民勞小雅六月
之後皆謂之變雅美惡各以其時亦顯善懲
過正之次也問者曰常棣閔管蔡之失道何
故列於文王之詩曰閔之閔之者閔其失兄
弟相承順之道至於被誅若在成王周公之
詩則是彰其罪非閔之故爲隱推而上之因

文王有親兄弟之義又問曰小雅之臣何以獨無刺厲王曰有焉十月之交雨無正小旻小宛之詩是也漢興之初師移其第耳亂甚焉既移又改其目義順上下刺幽王亦過矣周頌皆備之變美惡各以其初本國善類周頌者周室成功致大平德洽之詩其作在周公攝政成王卽位之初頌之言容天子之德光被四表格於上下無不覆燾無不持載此之謂容

頌之言見下又見關雎序正義左傳襄二十九年正義左傳正義兩

容下並有也於是和樂興焉頌聲乃作禮運之謂作謂之曰政也者君之所以藏身也是故夫政必本於天殺以降命命降於社之謂殺地降於祖廟之謂仁義降於山川之謂興作降於五祀之謂制度又曰祭帝於郊所以定天位祀社於國所以列地利祖廟所以本仁山川所以備鬼神五祀所以本事又曰禮行於郊而百神受職焉禮行於社而百貨可極焉禮行於祖廟而孝慈服焉禮行於五祀而正法則焉

故自郊社祖廟山川五祀義之修禮之藏也
功大如此可不美報乎故人君必潔其牛羊
馨其黍稷齊明而薦之歌之舞之所以顯神
明昭至德也正義曰周頌二十一篇左方
中皆以爲周公成王之頌也
魯頌詩經又曰魯頌魯者少昊摯之墟也國中有大庭氏之庫則
大庭氏亦居茲乎在周公歸政成王封其元
子伯禽於魯其封域在禹貢徐州大野蒙羽
之野自後政衰國事多廢十九世至僖公當

周惠王襄王時而遵伯禽之法養四種之馬
牧於坰野尊賢祿士修泮宮守禮教僖十六
年冬會諸侯於淮上謀東略公遂伐淮夷僖
二十一年新作南門又修姜嫄之廟至於復魯
舊制未徧而薨國人美其功季孫行父請命
於周而作其頌文公十三年大室屋壞初成
王以周公有大平制典法之勲命魯郊祭天
三望如天子之禮故孔子錄其詩之頌同於
王者之後問者曰列國作詩未有請於周者

行父請之何也曰周尊魯巡守述職不陳其
詩至於臣頌君功樂周室之聞是以行父請
焉周之不陳其詩者爲優耳其有大罪侯伯
監之行入書之商譜正義引此八字亦示覺焉
商頌未歸而蕢國入美其也季紂行父請命
商者契所封之地有娥氏之女名簡狄者吞
黿卵而生契堯之末年舜舉爲司徒有五教
之功乃賜姓而封之世有官守十四世至湯
則受命伐夏桀定天下後世有中宗者嚴恭

寅畏天命自度治民祇懼不敢荒寧後有高
宗者舊勞於外爰泊小人作其卽位乃或諒
闇三年不言言乃雍不敢荒寧嘉靜殷邦至
於大小無時或怨此三王有受命中興之功
時有作詩頌之者商德之壞武王伐紂乃以
陶唐氏火正闕伯之墟封紂兄微子啟爲宋
公代武庚爲商後其封域在禹貢徐州泗濱
西及豫州盟豬之野陳譜正義引此八字自後政衰散
亡商之禮樂七世至戴公時當宣王大夫正

考父者校商之名頌十二篇於周大師以那
為首歸以祀其先王孔子錄詩之時則得五
篇而已乃列之以備三頌周頌譜正義引孔
子錄詩列之以備
三頌著為後王之義監三代之成功法莫大
於是矣問者曰列國政衰則變風作宋何獨
無乎曰有焉乃不錄之王者之後時王所客
也巡守述職不陳其詩亦示無貶黜客之義
也又問曰周大師何由得商頌曰周用六代
之樂故有之

附錄

路寢之常樂風之正經也天子歌周南諸侯

歌召南二南譜正義 君子陽陽正義燕
禮疏正義引此無也歌竝作以

天子納變雅諸侯納變風其禮同二南譜
正義

師摯之始關雎之亂早失風聲矣關雎序
正義

辭義皆亡由庚序
正義

孟仲子者子思弟子釋文序錄引子
思之弟子五字蓋與孟

軻共事子思後學於孟軻著書論詩毛氏取

以為說 子思論詩於穆不已仲子曰於穆

不似竝維天之命正義

參訂時驗天作正義

元子伯禽封魯次子君陳世守采地禮記檀弓正義

解延年齊人釋文詩序錄

魯扶先釋文論語序錄

大序子夏作小序子夏毛公合作下商意有不盡毛更足成之

不盡毛更足成之開闢雖序

魯人大毛公為故訓傳於其家河間獻王

而獻之以小毛公為博士王氏詩地理攷六

以歷校之文王受命十三年辛未之歲殷正

月六日殺紂文王正義

臣等謹將臣等所擬各款開列於左
一、臣等所擬各款均係臣等所擬
二、臣等所擬各款均係臣等所擬
三、臣等所擬各款均係臣等所擬
四、臣等所擬各款均係臣等所擬
五、臣等所擬各款均係臣等所擬
六、臣等所擬各款均係臣等所擬
七、臣等所擬各款均係臣等所擬
八、臣等所擬各款均係臣等所擬
九、臣等所擬各款均係臣等所擬
十、臣等所擬各款均係臣等所擬

臣等謹將臣等所擬各款開列於左
一、臣等所擬各款均係臣等所擬
二、臣等所擬各款均係臣等所擬
三、臣等所擬各款均係臣等所擬
四、臣等所擬各款均係臣等所擬
五、臣等所擬各款均係臣等所擬
六、臣等所擬各款均係臣等所擬
七、臣等所擬各款均係臣等所擬
八、臣等所擬各款均係臣等所擬
九、臣等所擬各款均係臣等所擬
十、臣等所擬各款均係臣等所擬

